

Lajčák u susretu sa Puigom: nema mjesta diskriminaciji u Ustavu BiH



“Nekoliko odredbi Ustava Bosne i Hercegovine krše ljudska i manjinska prava i moraju se mijenjati da bi ova zemlja mogla da stupi u članstvo Evropske unije”, izjavio je danas visoki predstavnik Miroslav Lajčák na sastanku sa predsjednikom Parlamentarne skupštine Vijeća Evrope, Lluísom Maria de Puigom. Lajčák je također naglasio suštinski doprinos koji bi Vijeće Evrope trebalo da ima u ovom procesu, posebno kroz rad Venecijanske komisije.

„Kao dio očekivanih ustavnih reformi, biće potrebno da organi BiH uspostave funkcionalnije, efikasnije i održivije institucionalne strukture u BiH, sposobne da podrže proces evropske integracije i unaprijede poštivanje ljudskih prava i osnovnih sloboda”, rekao je Lajčák. Ustav se posebno mora uskladiti sa Evropskom konvencijom o ljudskim pravima i njenim protokolima. Pored toga, BiH će trebati usvojiti sveobuhvatne zakone o sprečavanju diskriminacije.